



Arubaanse Courant

ANJA 25

DIAMARS 18 FEBRUARI 1964

No. 4967

Apuntes Editorial "NOTICIAMENTO CARNAVALESKO"?



PAPIANDO DI COOPERACION

Senor Milo Croes (Le comite cest mol) despues cu nos a muestra nos puntonan di bista den edicion di Diaberna contra di e echo cu e tabata di opinion cu e tin di distingui Amigoe di Corsow como e diario cu a duna e mihor reportahenan di Carnaval, awor a bira e asunto ariba un otro banda den un esfuerzopahustifica su decision critica asina fuerte. Via anuncionan awor el a laga participa, cu e condecoracion sobresaliente. Di awor caba nos lo bisa nos lectornan: E file aki di Milo Croes tampoco lo subi.

Cu esaki ta un descubrimiento completamente nobo di senor Milo Croes ta pues sin mas cia manera awa. E prueba ta worde duna door di e echo cu e correspondente di Amigoe na Aruba mas a bisa cu boca grandi y claramente via radio y despues den su diario di dia diezdos di Februari cu "Amigoe" a worde condecora pa motibo di su reportahesobresaliente di Carnaval. Nos takere cu nos por acepta cu hasta esun cu a hanja e condecoracion no a compronde pakiko el a hanja esaki???? Por ta posibel cu un persona cu a gana un premio pa su bunita wowonan a comprende cu el a gana esaki pa motibo di bunita modelo di su cara???

Pero bon, laga tuma, cu e diario menciona a merece e premio cu su cooperacion sobresaliente y cu en berdad senor Milo Croes a specifica esaki asina y cu nos tur a compronde malo, anto ainda senor Croes ta tranka. Pues si un courant worde condecora pa su cooperacion, anto pakiko otro lo e por worde condecora pa su cooperacion redaccional?? Piscadornan ta pisca y no manteca; djentistanan ta ranka djente y no sobre halto; diaronan ta duna reportaje y noticia; y nada otro. Conclusion: Cooperacion cerca un courant en general lo ta redaccional. Asina anto nos punto di bista ta keda nescos, esta cu segun senor Milo Croes e diario cu merece un condecoracion ta, esun cu no a scribi mas tocante di Carnaval, tampoco cu no a scribi mas baha, cu tabata tin masha poco reportaje fotografico y cu unicamente a bishita solamente cuatro evenemento di coronacion y a publica portret di esaknan na lugar di diezseis manera Arubaanse Courant.

(Sigui lesa pag. 2)

BALL TA OPTIMISTA TOCANTE SOLUCION PA CHIPRE

LONDEN, 18 febr. -George Ball, e segundo minister Mericano di exterior, quende a delibera na Londen tocante e asunto Chipre, a declara prome cu su salida pa Merca cu e ta confia, cu lo haya un solucion pa e asunto aqui. E deliberacion cu e ministernan Ingles Butler y Sandys tabata masha satisfactorio y Merca e Inglaterra tabata completamente di acuerdo tocante e asunto Chipre.

Den circulanon autorisa Mericano e Inglesnan a muestra awe, cu gobierno di Chipre te ainda quier, pa conseho di seguridad, na cual el a dirigi su mes, anula e acuerdo di garantia of neutralise. Manera ta conoci e acuerdo aqui ta duna Turquia e Inglaterra y Grecia e derecho pa interveni unilateral na Chipre. Anulacion of neutralisacion di e acuerdo aqui ta inaceptable pa Inglaterra, pasobra e memoria Turco riba e isla e ora ey lo ta entrega na e mayoria Griego.

Y esaki lo haci un intervencion militar di e Turconan riba termino cortico riba e isla posible, locual lo por trece paz den e territorio mediterraneo na peliger.

Inglaterra y Merca asina nan a bisa, si ta completamente conciente cu cualquier solucion positiva di e asunto mester ta aceptable tambe pa e Chipriotanan Griego. Y esaki tabata e motibu pa cual Inglaterra a cambia di direccion politica. Prome el a para dos siman largu riba un arreglo di e kestion pafor di Nacionnan Uni y awor el a pone su mes parcialmente tras di e punto di bista defende fuertementepa president Makarios, locual taifica un intervencion di e conseho di seguridad.

FATUM - Tel: 1845
pa tur bo aseguronan

REUNION

E miembronan di conseho di seguridad ta prepara pa reuni inmediatamente si en caso e crisis rond Chipre lo peora asina tantu cu intervencion inmediata di Nacionnan Uni, a pidi pa un reunion di e conseho pa ayera nochi en conexcion cu loque ta yama un amensasa directo y visto di invasion door di Turquia. Djies prome cu Rossides a haci e peticion Inglaterra tam e a haci un peticion pa un reunion urgente di e conseho pa tuma pasonan adecua pa pone un fin na e situacion peligroso na Chipre.

E peticion aqui di Inglaterra a laga hopi hende asombra, ya cu tantu Londen como Washington prome tabata para riba e punta di bista, cu intervencion di Nacionnan Uni lo abri porta pa Union

Sovietica mete den e conflicto. E decision cu Inglaterra a tuma pa yama e conseho, a worde haci -

despues di consulta y cu aprobacion di Merca, asina a wordeparticipa ayera nochi.

Si e situacion na Chipre no ta duna motibu pa reuni mas prome,

anto e conseho di seguridad lo reuni mayan aochi nuebor. Asina a worde participa.

Secretario General Oe Thant di Nacionnan Uni a haci un peticion urgente telegraficamente riba e gobiernonan di Grecia, Turquia y Chipre, pa bandona cada acto cu lo por trece un peoracion di e situacion y cu lo por causa dramamentu di sanger.

DECLARACION

President Makarios a declara den un mensaje di radio, cu e -

LADRONICIA DI GASOLIN

San Nicolas, 18 Febr. - Den e ultimo dianan ta sosodiendo diferente baha cu keho ta worde duna en conexcion cu hortamento di gasolin. Diadomingo recherche a worde avisa di hortamento di gasolin na Lago. E caballeronan H.C. y B.H. di respectivamente treinta y binti cuater anja a worde hanja ta hortando gasolin.

FRESCURA DI MENTOL
SABOR RICO DI TABACO
FILTER MODERNO

Griegonan na Chipre lo no hala un banda pa amensanan, presion of chantage, pero cu nan lo defende nan mes cu curashi y decidido contra agresion. El a bisa cu intervencion militar di exterior ta menasa, mientras cu riba e isla actividad subversivo ta worde ehecuta or Anarchistanan. E ta haya cu no ta dificil pa e Griego y Turconan yega na un acuerdo tocante cierto medidanan practico, pa nan por sinti nan fuera di peliger y biba en harmonia. Pero di banda di Turquia tambe mester tin bon voluntad.

TIROTEO

Den e pueblo Aylos Theodoros, cu ta situa mas o menos 45 kilometer for di Nicosia, Chipriotanan Griego y Turco a tira practicamente heater dia riba otro. Door di intervencion di militar nan Ingles tabata un armisticio eyan ayera nochi.

Na Londen a worde participa cu pronto lo bai mastrupanan Ingles pa e isla.

E ministerio Ingles di defensa terrestre a participa cu den dianan venidero 1200 muhe y mucha, cu ta forma parti di famlanan di militar nan Ingles y civilnan cuta na Chipre, lo worde evacua. Ta trata di famlanan di Inglesnan, cu lo queda menos cu tres luna.

Avion a cai na Sint Maarten

St. Maarten, 18 febr. - Ultimamente un Twin Bonanza di un tal senor Sixto Diaz di San Juan Puerto Rico, mester a haci un aterizaje forzoso banda di pista di aterizaje di aeropuerto Juliana Na St. Maarten. Poco despues cu e avion a caba di subi for di e aeropuerto menciona cu Cold Stores na bordo ariba caminda pa Anquilla e motor drechi di e avion a falla. E piloto inmediatamente a bolbe pa bal baha ariba e pista di e aeropuerto, pero a ripara cu su wielnan no ta sai. El a perde altura rapidamente y despues di a pasa masha pega ariba awa, caminda tabata su intencion di baha e aeroplano, el a lastra ariba tera poco pa zuid di epista di aeropuerto.

E bombero aeropuerto Juliana cual tabata alerta inmediatamente a acudi na e lugar y a paga un candela chikito di e motor, e piloto e unico persona den e avion no a hanja ningun danjo.

Prinses Christine awe ta cumpli 17 añ. En relacion cu e hecho aki e potret aki a ser saca di e prinses door di e fotografo di corte Max Koot.



PANAM ta cuminsa bula na April riba Aruba

SCHIPHOL, 18 febr. - No KLM of e compania venezolana di aviacion qu ta coopera cu ne VIASA pero Pan American World Airways lo cuminsa na April cu vuelonan cu jet riba e ruta Aruba-New-York. Nos ta sumamente contentu cu e desicion di Pan American pa pone Aruba riba su ruta, asina gezaghebber di Aruba señor O.S. Henriquez, a bisa na yegada ayera na Ulanda for di Israel. Pan American Airways cu ta hopi tempu caba ta mantene e cinco vuelo vice-versa cu avionnan jet na Corsow, lo cuminsa cu tres vuelo di retour via Aruba, di cual dos lo bai via Santo Domingo pa Aruba y di eynan pa Corsow. E tercer vuelonan ta bai via San Juan, Puerto Rico y despues Aruba y Corsow, pero cu destino Panama. Pues Pan American lo bai mantene tambe tres vuelo di retour.

Apuntes Editorial

(Continuacion di pag. 1)

Masha bunita principianan pa un presidente di Comité Central di Carnaval.

Nos kier trata tambe e posibilidad cu Amigoe di Aruba, a worde condecora pa motibo di un otro forma di cooperacion cu no ta redaccional. Anto e ora nos ta bin ariba e tereno pafor di periodismo. Por ta posibel cu un cooperacion no - periodismo di un diario por ta asina grandi, cu door di esey el a gana un premio? Segun nos smaak esaki ta casi inimaginable. Anto e ora nos conoce hopi otronan cu merece tal premio: Pancho Barigon di Centro Juvenil Tanki Leendert, señor Orman, hefe di ayudantenan di Cuerpo Policial, Mariachi di Aruba of e personanan cu simanan largo y hasta lunanan a claba, zaag y pega pa e carozanan di Ticolli, Caribe y di Club Oasis.

Con cu Milo bira of bolter; su decision tabata dishonesto y ta lamentable cu e no kier duna den pero ta purba di saka su mes afor.

Nos ta keda persisti, cu aki Milo a agrega politica di amigo; cu el a duna "Amigoe" e premio, sobra e diario aki no a haci ma-

Qu e fin pa yuda e isla aqui, cu ultimo anjanan ta hayando fama serca turistanan, for di su isolacion relativa, gobierno di Antillas Ulandes ta trahando duru pa realisa expansion di e aeropuerto chiqui te na un aeropuerto moderno adecua pa avionnan jet.

E pista di aterrizaje, cu antes tabata muchu corticu, a worde drecha y prolonga te 3000 meter, di moda cu na april Aruba lo ta cla pa ricibi avionnan jet.

pa siman entre Aruba y Corsow cu avionnan jet.

Pa Aruba e trafico aerea nobo ta nifica un enorme progreso, asina diputado F. Tromp di Aruba a bisa. Diputado Tromp a yega Schiphol huntu cu gezaghebber Henriquez.

El a bisa cu ta duele cu te awor aqui ainda Aruba no tin comunicacion directa cu Venezuela cu ta situa algun kilometer for di Aruba.

KLM, VIASA, y LAV ta mantene huntu 14 vuelo semanal entre Corsow y Caracas, y Aruba no tin ni un, asina diputado Tromp a bisa.

nera nos, esta fuera di palabranan di elogio duna critica tambe. Nos critica anto e no mester a accepta e puesto di CCC. E presidente di CCC ariba propio iniciativa - nos ta contento cu el a declara di a tuma e decision aki personalmente asina cu e otro miembronan a keda afor akinan - a condecora "Amigoe" pasobra e diario aki unicamente a duna elogio, sin ningun critica.


Cu durante seis siman Arubaanse Courant tabata yen di noticia bon y alegre di Carnaval, esey no a hunga ningun rol pa señor Croes. Cu e anja aki e comite tabatin un exito financiero asina grandi. Gracias na un stadion punta punta pa eleccion di Miss (nos idea) esey señor Croes a lubida. Cu San Nicolas e anja aki a fiesta Carnaval cu mas entusiasmo como cu nan a hanja e idea cu nan ta envolvi aden atrobe (entre otro gracias na nos proposicion), nada di esey ta conta pa señor Croes.

No duna critica; Esey ta di mas principal pe.

"Amigoe" a worde condecora pa e mihor trabao ariba tereno di: NO DUNA CRITICA!!!!

KNSM

your line



TELEPHONE 1777-3 LINES

SCHEDULE OF ARRIVALS / DEPARTURES AT / FROM ORANJESTAD

NOMBRE:	FECHA:	FOR DI:	PA:
VIRGILIA	20-2-64	Canada.	Maracalbo, Europe.
SINON	20-2-64	U.S. Atlantic Ports.	Venezuela, Port of Spain, Europe.
PRINS DER NED.	25-2-64	Europe.	Kingston, Pto. Limon, Cartagena.
DELFT	26-2-64	Mobile, Houston, New Orleans.	Curacao, Venezuela, Trinidad, Barbados, Georgetown, Paramaribo, Canada.
TRITON	27-2-64	U.S. Atlantic Ports.	Venezuela, Georgetown, Paramaribo, U.S. Atlantic Ports.
PALAMEDES	27-2-64	Europe.	Santa Marta, Barranquilla, Cartagena, Pto. Limon, U.S. Gulf Ports.

Sorpresanan di Esso pa Miss Aruba

San Nicolas, 18 Febr. - Durante di un get together alegre den Hotel Astoria Esso dealernan di Aruba huntu cu Lago y Maduro & Sons na Aruba a sorprende Miss Esso, srta. Regina Croes, kende durante di carnaval a worde eligi como Miss Aruba cu diferente regalonan. Cu un bunita y precioso renchi di diamanta y un pasashi ida y vuelta pa Caracas y representantenan di Esso na Aruba kler a muestra nan gratitud na e belleza y yiu di e Esso dealer Frank Croes, pa e manera cu durante carnaval el a representa su sponsornan. Gracias na e anja aki tur hende na Aruba a hanja sabi cu Esso tambe ta den partida.

Den presencia di president di Lago W.A. Murray, señor H.J. Somers na nomber di Maduro & Sons, señor Albert Eman como representante di Departamento di benta di Lago y Padu del Caribe tabata señor Capels Lacle, kende a dirigi palabra na Miss Aruba y a gradicie pa tur loke el a haci. El a entrega tambe e precioso regalo na Regina. Den un speech caloroso el a gradici tur esnan cu a coopera pa dune e regalo aki y un blaha mas el a muestra cu si petition worde haci na ne pa e representa Esso of Aruba oficialmente, e lo bo'be haci loke e por pa hanja lo mi'hor resultado.

Long John Whisky

This wonderful whisky is again available here. After patient ageing and consummate blending of many of Scotland's finest malt whiskies, Long John brings delightful and regal flavour for your enjoyment.

Despues a dirigi palabra señor Eman, kende en especial agradeci señor Harry Flemming y Dichi Arends pa e manera cunan a yuda na organisacion di e Carnaval di Esso. Tambe palabra di gradicimento a bai pa señor Caspar Lacle pa e manera exitoso cu e "coach" señorita Regina Croes como Miss Esso mas laat den anochi señor Murray a bisa di no por perdona su mes cu el a bai ariba blaha di negoshi net na e mal momento door di cual el a perde e festamento asina importante di carnaval pa Esso na Aruba. Tabata un gran placer pe di por a tende cu Regina Croes a hanja e titulo di Miss Aruba y cu e parada grandi di carnaval na Oranjestad a worde habri cu su caroz, sigi inmediatamente pa e caroz di Esso y e show di Esso dealernan. E anochi tabata acargo di Padu del Caribe kende regularmente tin un propio show. Hasta a worde balia ariba e musica stimulante di Padu.

NOBO NOBO NOBO

NASSAUSTRAT No.34

Nos tin bunita tela di e anja aki, p.e. Drip-Dry, di calidad excelente y cu disenjos fantastico den Dacron-Avrill-Arnell-Fortrill, Sharskin Dacron. Tambe bunita tela pa traha saya y suit, cu no ta machika. Y tambe nos a ricibi bunita tela pa fiesta di Pasco grandi venidero.

E Cas Di Bo Sonjo na prijsnan practico



cu materialnan di construccion di calidad y na prijs atractiva, esey ta solamente na

PETRONA & CROES

Minister Petrona a sali pa Hulanda

Oranjestad, 18 Febr. - Ultimamente a sali pa Hulanda ministro E.O. Petrona kende probablemente lo haci un viaha pa Israel huntu cu diputado F.J. Tromp y Gezaghebber O.S. Henriquez. For di dos te dia diez di Maart venidero Ministro Petrona lo asisti na un congreso e di cuater, di e Adviesraad pa cooperacion cultural entre e paisnan di reinado. For di Antillas lo participa na e congreso aki e miembronan señor M. Henriquez-Alvarez Correa y señor J.H. Beaujon y H. Denert. Ministro Petrona di enseyanza, cultura y educacion y ministro di enseyanza y desarojo publico di Surnam señor A.A. Cameron lo asisti na e deliberacionnan ariba invitacion di ministro hulandes di enseyanza, cu arte y ciencia, mr. H. Th. Bot. E deliberacionan lo trata asuntonan cultural di interes general.

Na Amsterdam a tuma lugar un exhibicion di affiches contra humamentu. Riba e potret aki, Karin Meerman, alumna di toneelschool, gozando di su pipa, ta waak e diferente obranan na muraya.





P.W.F.C. ta apoya I.O.W.U.A. OSCAR MARUGG den su conflicto cu Lago

SAN NICOLAS, 18 Febr. - E weekend cu a pasa tabata na Aruba un delegacion di Petroleum Workers Federation of Curacao bao di guia di e presidente di e union, senyor H.L. Spencer. Na ocasion di nan bishita na Aruba nan a topa cu un delegacion di Independent Oil Workers Union of Aruba, IOWUA, na kende nan a priminti na n apoyo y yudanza den e cuestion cu Lago. Segun un declaracion di e delegacion di PWUFC nan no ta comprende Lago su punto di bista en cuestion cu paramento di lay off durante di negociacionan pa un CCT nobo. Esaki segun e delegacion ta algo normal cu ta tuma lugar durante cuaklier deliberacion.

Segun informacion ministro C. Kroon lo yega Aruba awe en conexion cu e situacion actual cu tin entre Lago y IOWUA. Probablemente e lo tin deliberacionan cu Lago y cu directiva di Union, pa trata trece e dos partinan aki na un comprendemento cu otro. Ayera Camara di Comercio a delibera cu representantenan di Lago ariba e situacion cu a resulta entre e compania y e cuerpo representativo di e trahadornan, I.O.W.U.A. Ayera Camara di Comercio no tabata di desea di duna ningun comentario di ariba e encuentro. Por lo pronto e Camara lo tin otro conversacion mas cu e compania, despues di cual nan lo duna comentario.

respectivamente pa J.K. y W.W. cual a causa un total di danjo material di 450 florin.

Durante e weekend cu a pasa polis na Aruba a parti cuarenta proces verbal di cual diez cuater tabata pa buracheria publico. Siete persona a worde atrapa cu a pasa velocidad maximo ariba carretera. Na luna di januari polis na Aruba a parti 404 proces verbal y a duna 229 aviso.

COMERCIANTENAN SEA ALERTA

Oranjestad, 18 Febr. - Diablierna ultimo a worde avisa na polis cu den un tienda na Oranjestad un robo a worde cometi entre diez dos or y un or y mei di merdia for di den e caha di e tienda. Cien florin a worde horta. En conexion cu e robo aki recherche a detene e caballero F.E. di trenta anja. E caso ta den investigacion. Polis kier a conseha e comerciantenan pa durante e oranan di merdia cu tienda ta cera, percura pa e placa den nan cahanan ta bon warda. Esaki por invita cierto figuranan probecha pa comete nan mal na ora di merdia.

SALUDOS FOR DI HULANDA

Oranjestad, 18 Febr. - Majan anochi seis or y mei Radio Kelboom lo transmiti su programa "Saludos for di Hulanda" e biaha aki por worde scucha for di St. Elisabeth Gasthuis na Amersfoort, Joan Euson, (Maria Williams Carmen Granger, Solla Pieters y Stella Winklaar. E programa ta worde retransmiti diasabra anochi un cuarto pasiete.

GRATITUD

Pa medio di esaki nos ta manda gradici tur familia, conocirnan, bisinja y amigonan cu a muestra nan atencion na un of otro manera na ora di morto y entiero di nos inolvidable esposo, tata, jui, ruman y suegro

Cu a bai sosega na paz.

Na number di su: esposa, Julian Lambert, Nilda, Harold, tata, mama, rumannan, suegro, suegra, fam. Werleman, Geerman y demas familia.

Premier Nikita Croesjef durante apertura di e reunion di e comite central di partido cu a tuma lugar na Moscu. Croesjef a dirigi un discurso na ocasion di e reunion aki.

BIBA MEHOR CU ELECTRICIDAD

for di mainta trempan te anochi laat REDDY ta na bo servicio.



Retiro di Cubanonan na Guantanamo

HAVANA, 18 Febr. Gobierno Cubano a dicidi di pone 300.000 peso disponible pa pago di danjo di perhuicio na e obreronan Cubano cu tabata traha na e base Mericano Guantanamo y cu a worde retira recientemente. Di e tres mil Cubanonan cu tabata traha na e base 500 a hanja nan retiro despues cu gobierno Cubano a dicidi na corta provision di awa pa base.

ISLARIBENJONAN DEN SERVICIO

St. Maarten, 18 Febr. - For di Sint Maarten, isla riba ta bin e noticia cu ultimamente e promer contingente di hobenan di e isla ey, a worde examina pa drenta servicio militar obligatorio di marina hulandes staciona na Antillas. E examenacion a worde haci door y bao supervision di dr. Vermeer di marina hulandes.

MATRIMONIO DI PRINSES IRENE

DEN HAAG, 18 Febr. E sociedad di "Protestants Nederlands" a insisti den dos telegram respectivamente pa la reina y minister president, pa e matrimonio di prinses Irene y Don Carlos tuma lugar pafor di Ulanda.

Den e telegram na la Reina e sociedad ta pidi ademas "pa haci tur loke ta posible pa e amanesante alejamento entre casa real y e capanan grandi di poblacion worde evita.

E telegramanan ta stipula cu e cas Bourbon Parma y e mo/merito Carlista cual e cas aki ta dirigi ta representa opinionnan religioso cu ta directamente contra di e religion e idealnan di e libertad espiritual y tolerancia, den nomber di cual Ulanda bou di direccion di Oranje a bringa pa su existencia independiente contra tirania Spanjo y inquisicion catolico.

IRREGULARIDAD NA BOLIVIA

LA PAZ, 18 Febr. Gobierno di Bolivia apone un distrito solitario di e provincia Potosi bou di gobernacion militar, despues cu li persona a worde mata y trenta herida den bringamento entre dos grupo di campesino. E causa di e bringamentonan tabata sinta den un conflicto bieu tocante marcamento di terreno.

Ayera tur cos tabata tranquil atrobe den e provincia.



President Makarios
di Chipre.

Presentacion di Tony Martin pa teeners

Oranjestad, 18 Febr. - Diablierna venidero Tony Martin, e conocido cantante mericano cu na e momento ta actua den Klompen Club di Aruba Caribbean Hotel Casino, lo duna un presentacion especial pa teenernan den Caribe Club. E programa aki lo dura for di seis or y mei te sietor y mei. Cooperacion ta worde duna door di e orkesta di Jorge Fasola, e biaha aki dirigi pa Albert Sendreys, un di e musicantenan cu Tony Martin a trece di Estados Unidos pa su actuacionan na Aruba. E presentacion aki cu por worde bishita libremente door di tur teeners di Aruba entre diezcuater y diezochu anja, ta un iniciativa di Tony Martin mes. Gracias na e interes cu e directiva di Hotel Casino a muestra.

4 choke durante weekend

Oranjestad, 18 febr. - Durante e weekend cu a pasa a tuma lugar ariba carretera di Aruba cuatro choke cu a causa un total di un mil tresciento y diez florin na danjo material.

Entre otro a tuma lugar diasabra mainta banda di nuebor un choke den Bernhardstraat na San Nicolas caminda e autonan A-1534 y A-5753 maneha respectivamente pa F.R. y R.P. E danjo material na e dos autonan aki ta total 650 florin. Diadomingo atardi banda di un cuarto pa cuatro di atardi dos auto a pega ariba otro den Nieuwe weg. E biaha aki tabata e autonan A-5198 y A-8000 maneha

D.C. Mathew ta acepta puesto di diputado

Oranjestad, 18 Febr. - Senyor D.C. Mathew, miembro di Staten di e fraccion di PPA na kende como seis luna pasa e puesto di diputado a worde ofrece tin intencion di acepta su nombramento di diez di maart venidero. Senyor Mathew mester a keda sin tuma un desicion en cuestion cu e posicion puesto ofreci asina largo, como cu si el a acepta esaki por tabatin cierto consecucionan den Staten di Antillas. cual consecucionan mester a worde kita for di caminda promer. Esaki awor a tuma lugar door di e decision di Staten cu un miembro di Staten por pidi su retiro pa un fecha en futuro. Door di esaki awor Senyor Mathew por a vota pa esun cu ta bai tuma su puesto den e colegio di Staten. Despues cu el a cuminsa cu e ta retira for di Staten dia 10 di maart. Cu e tumamento di puesto over a worde regla asina lihe tras cu el a tuma e termino di retiro basta largo, senyor Mathew por tuma e puesto di diputado te dia diez di maart. Senyor Jose Geerman entre tanto a worde nombra como sucesor di senyor Mathew y pronto lo haci huramento den Staten. Senyor Mathew ta isia ribenjo y ta e figura di mas "fuerte" den e fraccion di isla ariba di PPA segun informacion tin intencion pa baha e cantidad di deputadonan den B.C. te na cuater despues di nombramento di senyor Mathew. E otro deputadonan na e momento ta senjornan I.S. de Cuba, F.J. Tromp, senyor Alberto Falconi y G.A. Oduber. Alavez segun cierto circulo politico no ta imposibel cu mas despues e di cinco puesto lo bolbe worde ofreci na UNA.

E asunto di pas pa Oost Berlin

BERLIN, 18 febr. - Na Berlin e canceller di Alemania Occidental, Erhard, y e burgemeester di Berlin Occidental lo reuni na Bonn pa atende e asunto di pasnan pa Berlin Oriental. Autoridadnan di e parti occidental y oriental di e ciudad lo sigul e siman aqul cu nan deliberacionnan tocante mesun asunto pero observadornan di Occidente ta expresa nan mes mas poco optimista tocante un resultado directo. Bonn y Berlin Occidental den fin di siman cu a caba a rechaza dos proposi-

cion di Alemania Oriental pa duna habitantenan di Berlin Occidental oportunidad pa bishita nan famianan na e parti comunista di e ciudad. E prome proposicion tabata contene un areglo pa un periodo largu, den cual e habitantenan di Berlin Occidental lo haya pasnan pa bishita nan famianan na Berlin Oriental riba dianan reconoce di fiesta y den casonan di urgencia.

Ora cu e oferta aqul a worde rechaza nan a bin di oriente cu e proposicion pa traha un areglo pa bishitanan riba pascu grandi y pintecostes.

Esaki tambe a worde rechaza a base cu e hecho cu e autoridadnan comunista kler huntu

cu nan proposicion tambe establecimentu di officinanan pa duna pas na Berlin Occidental, manera tabata e caso pascu di nacemiento.

E secretario di estado pa asuntunan tocante henter Alemania a bisa den un discurso na radion, cu occidente a ofrece pa laga ambtenaarnan di Berlin occidental ocupa e officinanan ocupa e officinanan unda ta ortoga e pasnan.

Despedida pa Sra. Pahud de Mortanges

Oranjestad, 18 Febr. - Awe tardi pa cincor senjora Garcia di Paredes, esposa di e consul general di Panama na Aruba, ta ofrece den Aruba Caribbean Hotel-Casino un te di despedida na sra. Pahud de Mortanges, esposa di station manager di KLM, na ocasion di su regreso pa Hulanda. Diferente senjoranan di e consulnan na Aruba y amigonan di sra. Pahud a keda invita pa asisti na e te di despedida.

Scientificonan Italiano actualmente ta estudiando e proceso di conservacion cu nan a aplica riba un mummie Romano 18-00 aña pasa. E mummie a worde hanja durante trabao di algun obrero na Roma. Aki nos ta mira prof. Gerin di universidad di Roma cu ta duna un explicacion na algun periodista mientras cu e mummie ta dramu su dilanti.

ASALTO DI BOM NA SAIGON

SAIGON, 18 Feb. - Na un asalto di bom den un teatro Mericano na Saigon dos persona a muri y 48 a worde herida, di cual seis ta den hospital.

Un di e victimanan ta un oficial di marInternan Mericano, e otro un polis Mericano - no a muri a consecuencia di e asalto pero a consecuencia di un tiru di scopet den su garganta.

Parce cu un terrorista a penetra na entrada di e teatro y atra e polis ora cu e quier a pone e bom. Djies prome cu e bom a explota un persona a grita "Sac Abao" loque probablemente a salba bida di hopi hende. Directamente despues di e asalto e teatro a worde evacua.

Un bista di e debate den Tweede Kamer na Hulanda tocante e compromiso di Prinses Irene.



LA ESPERANZA N.V.

BALANCE-SHEET AS AT DECEMBER 31, 1963

ASSETS

Real estate	f 588.785,42
Store equipment	f 136.241,83
Transportation equipment	f 25.402,--
Stock of merchandise	f 932.851,39
Accounts receivable	f 228.378,59
Cash on hand	f 47.300,09

	f 1.958.959,32

LIABILITIES

Share capital	f 743.800,--
Share premium account	f 13.143,13
Banks	f 653.243,20
Accounts payable	f 393.231,07
Balance profit	f 155.541,92

	f 1.958.959,32

PROFIT - AND LOSS - ACCOUNT FOR THE FISCAL YEAR 1963

EXPENSES

Wages and salaries	f 245.837,65
General expenses	f 206.103,86
Depreciations and reserves:	
Real estate	f 13.264,22
Store equipment	f 31.749,49
Transportation equipment	f 19.801,71
Bad debts	f 48.256,93
Profittax	f 59.029,50
Net profit	f 132.084,23

	f 756.107,59

PROFITS

Gross profit on sales	f 743.627,81
Rents	f 10.905,05
Other income	f 1.574,73

	f 756.107,59

PROPOSED ALLOCATION OF PROFITS

Balance profit available	f 155.541,92
8% dividend on a sharecapital of f 743.800,--	f 59.504,--
Bonus to managers	f 12.500,--

To be transferred to Reserve Account	f 83.537,92



ELECCIONAN NA GRECIA

ATENAS, 18 febr. -Segun e prome resultadonan di eleccionnan parlamentario cu a worde tene na Grecia ta parce cu e partido di Union di centro di Papandreou a obtene mayoria necesario.

Despues cu mas o menos dies por ciento di e votonan a worde conta e partido di Papandreou a obtene mas o menos 55 por ciento, contra 35 por ciento pa e coalicion bou di Union Nacional y Marquesinis.

E partido progresivo bou di Koalicion bou di union nacional radical y e partido progresivo bou di Kaneliopoelos y Marquesinis. E partido pro-comunista, EDA, cu no tabatin candidato den tur distrito, a obtene nuebe por ciento.

Boycot di trigo pa Rusia

MIAMI, 18 febr. -E departamento di trafico comercial di e poderoso confederacion mericano AFL/CIO ayera nochi a expresa su mes na favor di suspensio di cargamentu di trigo bordo di bapornan cu destino Union Sovietica.

Un portavoz di e confederacion a participa, cu mayan e peticion di welga lo worde haci na e obreronan di haaf.

E confederacion ta duna como motibu pa su decision, cu e contractnan tocante e entreganan di trigo na union sovietica ta contene apoyo pa economia ruso, y cu un cantidad no suficiente di e trigo cu mester worde entrega ta worde transporta pa bapornan mericano. E decision mester worde aproba mayan pa e directiva general di e confederacion. Den un resolucion en kestion ta worde declara, cu ta masha estúpido di merca, pa prohibi comercio cu satelitenan cu ta depende completamente di Moscu y mientras cu Merca mes ta apoya e industria Ruse.

E premier Ingles a bishita Washington e fin di siman aki.

Aki por mira e premier den compaña di president Johnson durante di e himnunan nacional. Faga atencion na e nombrenan bao di sapatunan di e estadistanan.

Brasilia ta crece demasiado rapido

BRASILIA, 18 febr. -E capital di Brasil, Brasilia, cu ta worde usa tres aña como tal, ta aumentando masha rapido. Dia cu president Kubitsjek na aña 1960 a inaugura e capital, ningun hende por a pronostica e problema cu e ciudad ta luchando contra actualmente. Criticonan a bisa cu Brasilia nunca lo bira un ciudad bibu. Pa esey e ciudad tabata muchu leu for di costa.

E designadornan di Brasilia a conta cu un crecemento regular di su poblacion y a planea desarrollo di e ciudadnan rond di e capital cu industria leve, pa asina alivia e capital un poco. Nan a conta cu e poblacion despues di dies aña lo consisti di 500.000 persona y lo no surpasa 700.000 habitante.

Ningun hende por a pensa un momento cu na 1964 lo presenta e problema di un gran cantidad di famianan cu tin necesidad for di noordoost di Brasil, cualnan ta pone e poblacion di e ciudad aumenta cu mas di 100.000 persona pa aña.

Tur locual gobierno municipal di e capital por haci ta evita cu lo bini barionan suschi "Favelas"; cu ta mancha e otro ciudadnan grandi di e pais, door di manda e emigrantenan pa e ciudadnan rond di e capital y ben-de terrenan cu nan contra-prijnan rediculamente barrata.

GOLPIA CU BLOKKI

Santa Cruz, 18 Febr. - Na Santa Cruz un pleito di famia a bal asina leuw cu un caballero di cuarenta anja di edad mester a worde transporta pa San Pedro Hospital cu probablemente un comocion celebral. E caballero aki a worde golpia door di su suegro di sesenta y siete anja di edad cu un bloke ariba su cabez. E suegro kende a hanja algun golpi a worde hiba warda caminda el a hanja un cuarto gratis.

Raketnan Polaris na Inglatera

LONDEN, 18 febr. -E colaborador politico di e corant dominical Ingles "Observer" ta scribi cu e partido socialista Ingles lo ninga di adopta e raket Polaris den e sistema Ingles di defensa, si e partido mester haya mayoria na e veni-

dero eleccionnan.

Segun e colaborador e partido socialista lo quier haci e participacion aki durante e deliberacion den camara di los comunes, cu lo worde tene dia 26 y 27 di e luna aki riba presupuesto militar di Inglatera. Segun observador parce cu e socialistanan na e ocasion ey kier acusa gobierno tambe di no tabata capaz pa mantene e forsa di ehército Ingles na Rijn na un capacidad di 55000 solda.

E weganan Olympico na Innsbruck a worde clausura cu e ceremonionan di custumber. Aki un bista di e clausura oficial caminda e presidente den centro riba podium a dirigi palabra.

PARTICIPACION

Pa medio di esaki ta un placer pa participa cu durante e ultimo

reunion pa accionistanan di
LA ESPERANZA N.V.

SENJOR A.R.S. BERGEN

A worde nombra como director di nos sociedad.

E directiva actualmente ta worde forma door di:

Senjor E. Wever - president director

Senjor F. Wever - director

Senjor A.R.S. Bergen - director

LA ESPERANZA N.V.
directiva



AGENDA

ARUBAANSE COURANT

diariamente ou excepcion di diadomingo
 subscripcion f. 3.25 pa luna edicion los 20 ct.

edita pa:
 N.V. ARUBAANSE DRUKKERIJ
 - en UITGEVERS - en PUBLI-
 CITEITS MIJ.

imprimi na:
 N.V. DRUKKERIJ
 „DE STAD,,

Telefoon 1116 Directiva y redac-
 cion, 2116 Anuncio y subscrip-
 cion.

Directeur hoofdredacteur:
 D. Wolff.

FOR CUMPRÁ ARUBAANSE
 COURANT NA E SIGUIENTE
 LUGARNAN:

WA ORANJESTAD:

HOEKHANDEL MARISKA.
 RIET SODA FOUNTAIN.
 REFRESQUERIA INGRID.

NA SAN NICOLAS:

UNION STORE.

WIT-GELE KRIS

Oranjestad: Zr. Ewald
 San Nicolas: Zr. Perpetua
 Santa Cruz: Zr. Ludovic

BOTICANAN DI WARRA

Oranjestad: Botica Oduber Tel:
 1780.
 San Nicolas: Botic San Lucas
 Tel: 5119

TELE-A RUBA

Diamars 18 Febr.

- 05.30 Cartoons
- 06.00 The Buccaneers
- 06.30 N.T.S. Journaal
- 06.45 Papiamento Newscast
 Live & Filmnews
- 07.00 Rough Riders
- 07.30 Informacion Amstel
- 07.45 Our Miss Brooks
- 08.15 Lock-up
- 08.45 Viana's Latest News
- 09.00 77 Sunset Strip
- 10.00 Sign Off.

CINE

Diamars 18 Febr.

De Veer: 8.30 p.m. "Boccacio
 70"
 Rialto: 8.00 p.m. "Dos Cora-
 zones y un cielo"
 Principal: 8.00 p.m. "The Young
 Ones"

Aurora: 8.00 p.m. "El Mundo
 de los Vampiros" 18 j
 Savaneta: 8.00 p.m. "Verra-
 derlijke Voetsporen" 18 j

RADIO CARACAS TELEVISION

Diamars 18 Febr.

- 8.45 Senderos de luz
- 9.00 Cajas con sorpresas
- 9.30 Jardín de infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Show de Saume
- 13.00 Noticias
- 13.05 Cont. Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Monte-
 verde
- 15.15 Perfecta ama de casa
- 15.45 Aventuras de Popeye y
 Yeyo
- 16.15 Mejillas y sus muchachos
- 16.45 Busque su marca
- 17.15 Dick Tracy
- 17.45 Noticias
- 17.50 Ruta 66
- 19.00 Colonel Flack
- 19.30 A Gozar muchachos
- 20.00 El observador
- 20.15 Novela
- 20.30 Joselo
- 21.00 Julian Pacheco
- 21.30 Dr. Kildare
- 22.30 Noticias
- 22.35 Cine para todos

Proceso na Guyana Ingles

GEORGETOWN, 18 - Peter Da-
 gular y tres lider di su partido
 chiki United Force Party, cu ta
 den oposicion, a worde acusa a-
 yera oficialmente di a publica
 un panfleto subversivo. Na april
 e proceso contra nan ta cuminsa.
 E otro tresnan ta senador Ann
 Jardim, Christopher Nascimento
 un empleado di partido y Anne
 Abraham, un ex empleado di ban-
 co.

E sospechosonan ta worde acusa
 di a conspira cu desconocidonan
 cu publicacionnan for di cual mes-
 ter a resulta, cu gobierno di Gu-
 yana Ingles a ricibi sumanan con-
 siderable di placa serca e minis-
 terio di ensenanza na Moscu, via
 di Barclays Bank na Georgetown.

DERECHONAN DI SER HUMANO

NEW YORK, 18 Febr. E comision
 di Nacionnan Uni pa derechonan
 di ser humano lo reuni awe den
 sesion anual pa atende un projec-
 to pa un acuerdo internacional



pa elimina tur forma di descrim-
 nacion racial y intolerancia
 religioso.

E asamblea general a pidi e comi-
 sion pa duna e aspecto aki
 di su trabonan prioridad absoluta.

E proyecto di acuerdo a worde
 traia pa un sub-comision, cu a
 reuni luna pasa.

Si finalmente e acuerdo worde
 realisa, auto e ta legalmente obli-
 gatorio pa tur pais na cu firma.
 Un declaracion di asamblea gene-
 ral tocante prohibicion di descrim-
 nacion racial lo tin solamente forza
 moral. Despues cu e proyecto
 di acuerdo worde trata pa e comi-
 sion, e ta bai pa e conseho
 economico y social di nacionnan
 pa despues mas den fin di anja
 e worde trata pa asamblea gene-
 ral di Nacionnan Uni.

cu tin algo stranjo aden.

Dr. Bergman no a contesta e
 promé pregunta. "Pakiko", el
 a puntra, y el a bisa su schou-
 dernan "Wel, mi respetable
 Conde, e motibo verdadero mi
 por sospecha só. Ora cu un mu-
 cha muher joven y bunita laga
 su profesion pafá di repente a-
 sina, y vooral un profesion cu
 el a caba di haya, e ora ey
 mester tin un homber den su bi-
 da cu a poné haci esey". Dr.
 Bergman a keda mira e Conde
 penetrante. "Bo sa masha bon,
 cu mi no por haci mucho cos
 cu e informacion aki", Hofen
 a contesta cu un stem hees. Pe-
 ro en todo caso bo tin razon
 ora bo a bisa cu é ta joven
 y bunita...y kizas tin mas cu un
 homber cu a poné haci asina...
 E Conde tabata poseé demasiado
 tactito, pa puntra e dokter di-
 rectamente, si e partida inespe-
 rada di Thesi tin algo haber cu
 Harold. Pero Dr. Bergman ta me-
 nos sensible irritable. "Si bo
 ta pensando riba mi jiu homber,
 mi respetable Conde, e ora ey
 mi por tranquilizabo. Mi mester
 admiti, cu tabata mi deseo sin-
 cerno, pa Harold y Thesi...Wel,
 ja...Pero mi por bisabo tambe
 awor, cu Thesi a laga Harold
 bandoná. Tabata un slá duro pa
 Harold pasobra verdaderamente
 e tabata stima Thesi masha hopi".
 Dr. Bergman a hiza su
 schouderman, "Pero toch e ta

Iglesia tocante desarme

GINEBRA, - 18 Febr. E conseho
 mundial di iglesia ta opina cu e
 diferente paisnan mester coopera
 mas na preparacion pa desarme
 y nan no mester entrega plannan
 unilateral di desarme.

E opinion aki di e conseho ta
 worde splica den un declaracion,
 cu a worde publica awe. E decla-
 racion a worde acepta pa e comi-
 sion internacional di conseho,
 cu a reuni na Odessa. E gobier-
 nonan, asina e declaracion ta bisa,
 tin e anhelo cu un plan di desarme
 solamente ta aceptable si e ta en-
 trega pa nan representantenan.
 Pero e actitud aki mester hala un
 banda pa e disponibilidad pa e a-
 precia e plannan riba nan
 meritonan y pa negacionnan u-
 til cu lo por trece e entrega di
 proposicionnan conjunta. Mester
 probecha cada oportunidad pa e-
 vita competencia na armamento
 y yega na un cooperacion na de-
 sarme.

Violencia na Cyprus ta
 continua. Atentado y -
 bringamentunan ta tuma
 lugar diariamente. Aki
 por mira algun militar
 Ingles cu ta duna asis-
 tencia na un Cypriota
 Turco cu a worde heri-
 da durante bringamento
 nan den e pueblo Sozo-
 menos.

un defensa. Mi no tabata kier
 a worde desilusioná, pero mi ta
 kere cu esey tabata mihor dicho
 a worde desilusioná, pa segundo
 vez, pasobra esey si mi por a
 soporta...Y despues, di repente
 mi a realizá cu ya mi no por
 aleha mi mas for dje...."

"Si tur cos no tabata asina
 tristo Conde, lo mi por ta or-
 gulloso riba mi mirada ingenio-
 so. Pasobra mesora mi a sinti,
 cu e antipatia cu bo tabata
 tin contra Thesi tabata mes fal-
 so cu e enemistad cu e tabata
 mustrobo. Mi a mira delantá
 cu algo lo bay pasa, ora cu el
 a pidimi pa keda cuida Ingrid
 durante su enfermedad....."

E dokter bjeeuw tabata muestra
 tristo. Mi ta hayami den un si-
 tuacion ridiculo, e ta pensa. Mi
 jiu homber ta stima e mucha mu-
 her ey y ami mester convence
 otro homber cu e mucha muher
 ta stimé. Pero aki ta tratando di
 felicidad di dos hende, e ora ey,
 e sentimiento personal no ta conta.
 "Mi ta bay bisabo algo, Conde.
 Segun mi, ta abo mes, ta e moti-
 bo cu Thesi no kier casa cu mi
 jiu homber, y tambe cu el a huy
 bay foy Freiberg. Asina ta, awor
 bo sa, y awor bo mes mester di-
 cidid! Conde Hofen a dal un ha-
 ri cortico. "Abo si ta duna bon
 conseho, Dokter. Bo mes mester
 dicidid! Ta kiko mi mester dicidid
 anto?, si mi mag puntrabo. E
 mucha muher no ta aki. vna unda
 e ta, esey Dios so sa. "Wel,
 tin ora un dokter di pueblo sa
 hopi cos cu bo no ta kere", Dr.
 Bergman a bisa hariendo. E -
 trein cu Thesi ta bay aden ta
 sali dields or y 10 minuut
 Asina ta haci liher y bai cum-
 pra un tickete pa bay cu e trein
 tambe. Yhopi suerte.....
 mi ta deseabo"

xxxxxxx
 (e ta sigi)

"Buscando amor di Mama"

Novela pa

Pancho Papa la Poncha Pi

No. 29

E ta un mucha muher masha
 esplendido, ta duel mi masha ho-
 pi cu el a bay". Conde Hofen no
 a mira e dokter. E ta trata di
 trece un poco ordo den su pen-
 samentonan tur bruhá, pero é
 no tabata por. Pakiko el a bay,
 ni sikiera e por a bin despe-
 di di Ingrid, sin bisa un pala-
 bra. Por ta...cu ta pa su falta?
 E recuerdo di loke a pasa e
 anochi aya, a haci su sanger
 subi su cabez...Cien biaha, mas
 cu mil biaha, e Conde a pensa
 riba e momento ey, tur e dia-
 nan cu e tabata na Arosa. Tam-
 be riba e Pasco anochi den e
 bibliotheek, e bon comprension
 cu a cuminsa crece entre nan
 dos, su animo, su entusiasmo
 riba e carne cu su pull-over
 listi y tambe esun coló preto,
 cu el a jama Lucifer. Despues e
 momento cu el a judé baha foy
 e wagen te cu despues e tabata
 wante den su brazanan. Tur e
 cosnan aki a pasa den su pen-
 samento, cu no a lagué indi-
 ferente, e recuerdo, e duda cu

a podera di dje, y cu casi a
 haci bira malo. Y tambe e
 tabata jaloers, ora cu el a mi-
 ra Thesi subi den auto junto cu
 e joven Bergman....y despues
 e pasion loco, un mesclá di ra-
 bia, doló y desesperacion, ora
 cu el a sunché....Conden Hofen
 a sera su wowonan, e tabata sin-
 ti un doló, pero é no sa na
 unda. Ki importancia mas tin,
 cu porfin, despues di hopi lu-
 cha den su mes, el a haya sa
 cu e ta stimele? El a bin bek,
 cu e proposicion, pa sigui e amor
 cu a nace den su corazon pa
 Thesi, pa bringa pé, maske cu e
 perde contra e joven y bunita
 Harold Bergman. Awor e no tin
 mester di bringa mas pa Thesi.
 No tabata tin smaak mas. The-
 si Gunden a bay. Dr. Bergman
 a laga e Conde Hofen keto, e no
 a strobela den su pensamiento.
 "Bo sa tambe na unda el a bay
 dokter?, y bo sa tambe pakiko
 el a bay?"

Conde Hofen su stem a calmá
 atrobe, pero toch bo por ripara

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE.**



(Fuera di responsabilidad di redaccion)

Diarazon, dia 12 di februar ultimo pa mas o menos 12 or y 15, sr. Jos van der Schoot (redactor di "Amigoe" na Aruba) durante e noticiero na hulandes di Voz di Aruba anuncia entre otro cu "Amigoe" a worde obsequia cu un viahe ida vuelta pa Puerto Rico door di e Comité Central di Carnaval, pasobra cu "Amigoe" a duna e mehor reportahenan di carnaval na Aruba.

Poco ora mas laat a sali den "Amigoe" di e mes un dia cu "Amigoe" a gana un viahe pa Puerto Rico, pasobra el a duna e mehor reportahenan di carnaval di Aruba.

Den "Amigoe" di diasabra 15 februar, e Comité Central mediante un anuncio, a declarar terminantemente cu "Amigoe" a gana e viahe pa Puerto Rico, pa motibo di e EXCELENTE COOPERACION cu Amigoe a duna na e Comité Central.

E diferencia entre "mehor reportahenan" y "cooperacion excelente" lo ta visto pa tur lector.

Noticiamento carnavalesco? Naturalmente e "mehor reportahenan" ta contene mas honor personal y periodistico cu e "cooperacion excelente", pero e oray e honor aki mester ta completamente merecido, pasobra si no nos mester papia mas bien di un favor.

Cual di e organon di prensa a duna e mehor cooperacion, esey por worde huzgá, unicamente door di e Comité Central, pero tocante e reportahenan hen ter e publico lector por huzga.

Y - cu esaki tur lector franco lo ta di acuerdo cu mi - si nos cuminsa papia tocante e reportahenan di carnaval na Aruba, anto na anja 1964 Arubaanse Courant a sali victorioso den tur sentido, es decir, tanto pa loque ta concerni e cantidad y calidad como e ilustracion di e reportahenan aki.

P'esey e comentario menos preciente, cu a aparece den Amigoe di diasabra 15 di februar, hau di e titulo "Carnavalesk" a laga atras un smaak stranjo y di caracter poco periodistico

Atentamente
(Donald Lacté)

Pa BOEKI „SONJO“, na spanjo y ingles cu interpretacion di number di suerte.....

..NICOLAAS STORE,,
Tel. 5385 - San Nicolas

Proteccion contra campesinonan

RIO DE JANEIRO, 15 Febr. Un grupo di dos cien donjo di plan tashi den e estado Goiaz, Noor oeste di Rio, ta organisando e mandonan arma pa evita cualquier intento di invasion di propiedad door di campesinonan cu no tin terreno.

Asina un noticia di radio for di Goiana, e capital di e estado ta bisa. E paso aki a worde tuma despues di un decision di e federacionnan, cu ta representa 30.000 campesino na Goiaz, cual ta insisti riba e campesinonan pa invadi e propiedadnan di e donjonan di terreno.

E federacionnan a dicidi tantu cu terrenonan cu no ta productivo mester worde tuma over inmediatamente. Ademas e campesinonan a pidi president Goulart p firma e decreto pa apropiu terreno inmediatamente.

CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.




BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.




PEPITA

pa cortesia di

OFICINA MARITIMA DE ARUBA

TRANSPORTACION DI MERCANCIA Y MUDANZA TEL: 2664/1622.



DICK TRACEY

